

# OMUKWETU

Registered at the General Post Office as a Newspaper

"Ooitaali, Mweneni Thilu, Omuwa  
Ote Mu Kondjele"

Ombilive ya za kEpangelongerki lya ELOK, oya tuminwa komagongalo agehe mOwambo noKavango petameko lyomwedli nguka okukumagidha, okupukulula nokuguna iilyo ayihe yOngerki, opo yi lalakanene natango emanguluko lyevi pwaa na uutondwe, elongitho lyekuni nekuthathanopo naapangeli.

Ombilive ndjika ontitatu komagongalo muule womimvo ndatu dha piti, otayi lalakanene wo okuhekeleka aakwanezimo naayehe ye na ekwatathano naamboka ya fadhuka po moshilongo ya taaguluka ongamba yaAngola pwaa na omalalekathano.

Pamwe nayo, ombilive oya thindikilwa ketumwalaka tali indile aasita ayehe momagongalo ya tsikile natango okugalikanena aapangeli ayehe yuuyuni ye na sha nomatokolo gevi ndika, momalongelckalunga, opo Kalunga mwene a wilike omatokolo gawo pahalo lye.

Egalikano ndyoka lya galikanwa momagongalo ckuza 1966 omolwomaudhigu gevi, clyo tali longithwa naampaka ngaashi lyo opalekelwa ethimbo ndika

(Ombilive lesha kep.2)

ETUMWALAKA LYEPANGELONGERKI KOMAGONGALO GA BLOK

Mokudhiladhila oshipalanyolo shiilongangerki nuumvo moka tatu lombwelwa kuJesus "Litha oonzi dhandje," Epangelongerki methimbo ndika edhigu olya hala okutuma e-tumwalaka lyalyo komagongalo agehe nokiilyo ayihe yongeleka yetu, ngele mevi ndika nenge kombanda, mombilive ndjika yopausita.

Twa kundana kutya, iilyo oyindji yOngerki yetu noyoshigwana shetu ya thigi po evi Shika otashi ehameke aakuluntu, aanandjokana, aanona mboka ya thigwa po kaakuluntu yawo nokaalongi, aavu miipangelo noshigwana ashihe. Otatu mu dhimbulutha oohapu dha Jesus: "Ombili nai kale nanye." Job20:11 Ikoleleni mOmuwa nomomukumo gwoonkondo dhe.

Otwa dhimbulula nale omaudhigu goshigwana shetu notwa hedha kepangelo, nonatango otatu tsikile okuhedha kaŋeli yetu omolwomaudhigu noku ya lombwela onkalo yomalunduluko ngoka ge na okuya. Otatu mu indile, one aagundjuka yetu naakwanengogalo yetu, mu kale mwa ngungumana nokwiidhidhimika, opo elunduluko nonkalathano li ye nomukalo gwombili. Membo etiyali lya Moses otatu leshe: "Inamu tila nande, kaleni neyombamo, osheshi Omwene ote mu kondjele, nye mu na okumwena filu."

2Mos.14:13-14

Mokumwena hedheni kOmuwa nomaudhigu geni. Konakoneni ukriste weni. Momaipulo goomwenyo dheni, kongeni ekwatho mOhapu yaKalunga, oshilongo she shi kale mokati ketu. Otwa hala tu endulule natango omadhiladhilo gamwe gometumwalaka lyeti 30.6. 1971 lyOngerki yetu nolyomwamemengerki yomUushimba, Engerki ndjoka ya hangana natse muVELKSWA.

Ombili yashili itayi pitika aantu ya tondathane. Ihe otu wete kutya aantu yetu oya shonopekwa, uutondwe pokati kaantu otau indjipala. Ehumokomehoshiponga lya tya ngayi otu shi shi olye etwa komukalopangelo gwokayoya nogwokatongotongo tali kolekwa kuko. Otatu mu indile amuhe mu kale mu na ombili notu konge uumwayinathana naantu ayehe. Otatu mu kumagidha wo mu tunge shili ontopa, hakuteya omatsakaneno nomatsikililo.

Aakwanegongalo aaholike, tse inatu dhiladhila ando tu kune uutondwe nokwaanombili nomakondjithathano nelaka ndika nenge noonkambadhala dhetu okulombwela epangelo onkalo yomalunduluko ngoka ge na okuya, aawe. Elalakano lyetu okukala moshili mononakuyiwa ombwanawa yaantu noyiigwana yetu.

Mokugalikanena evi lyetu, aantu yetu naapangeli yetu, otatu lombwelwa kOmuyapostoli Paulus: "Hano tetetete ohandi mu kumaida, napa ningwe omaindilo nomailikaneno nomapandulo omolwovanhu aveshe, opo tu kale tu na okukalamwenyo kuna ombili nengungumano metilokalunga nomeenghedi diwa da fimana," 1Tim.2:1-2 opo onkalo ombwinayi yi lundululwe nuwanawa weci ndika nowaakalimo yamo yi lalakanenwe.

Natu tsikileni wo nomwenyo aguhe okwiitula mo megalikano enene lyOngerki, Omuwa e tu sile ohenda, oye e tu uve wo sho hatu mu indile megalikano ndyoka: .....

Amena ove u punike edu letu ... Kandula po oita nomalwoodi neendubo nomadipaafano. Filonghenda mwene woshilongo novapangeli aveshe. Pa ovapangeli vetu eendunge ve tu lele pahalo loye, ove u va pe ovayakuli vo va yakule nawa. Amena ovanyasha vetu va kale ovakoshoki keemwenyo nomokukala kwavo. Amena ovakwaneongalo ava ve li koilongo noilongo novaendindjila vokedu novomefuta novomomhepo, u va endife nawa. Kala Xe yeefiye, popila ovafiyekadi, kwafa oonakulikalela, kwafa oonakuhepekwa novafyoona neenghwatwa novanaudu aveshe va amena ove u va twe omukumo ove u va hekeleke..."

Natango otatu endulula oohapu dhaJesus: "Ombili nayi kale nane." Omuwa na kale pamwe nakehe gumwe gwomune noku mu wilike.

=====  
=====  
=====  
=====  
=====

EVANGELI OTALI TAAGULUKA  
OONGAMBA ADHIHE

".....Ongame nda pewa epangelo alihe megulu nokombanda yevi. Indeni, ka ningeni aantu ayehe aalongwa yandje noku ya shashela medhina lya Tate nolyOmwana nolyOmbepo Ondjapuki. Ne mu ya. longe okudhiginina ayihe nde yi mu lombwele .." Mat. 28:18-20, Mark. 16:15-16

=====  
Ehupitho ndyoka Kalunga e li longekidhile omuntu, opo li li natango, noshi li mehogololo lyetu ngele otwa hala okuhupithwa nenge aawe. Okugongala kweni mpaka pegumbo ndika moka mwa ningilwa oshigongi shotangotango shokutotitha po EHANGANOTUMO LYAANANGESHEFA AAKRISTE YONGERKI ONKWAEVANGELI PALUTHER YOMOWAMBOKAVANGO (EANGELOK), otaku talika kutya osho ondjokonona ombwanawa mOngerki nomoshigwana shetu ashihe.

Oshilongatumo shoka tashi longwa kOngerki mokati ketu, unene shoka sha longwa kaatumwa aakwiilongo, oshi shi okutalwa ongeyamukulo ketumbulo ndyoka tali pangele oshituthi shetu: TAAGULUKILA HUKA U TU KWATHE. Ngiika ite puka unene ngele onda ti; aatuwa yotango Aasoomi otashi vulika ya lalekelwe noovelise ndatu dhomEvangelii paMateus 28:18-20, Mark. 16:15-16 Oovelise ndhika otadhi popi sha pokutsi kwomushitwa kehe: INDENI NUUYUNI AUHE.

Oovelise ndhika odha pendula ehalo lyiilyo yOngerki ndjika, ngaashi tatu mono mpaka aawiliki yomahangano taga longo shomuthindo mOngerki yetu. Otu na mpaka omuwiliki gwehanganotumo lyaagundjuka. Ehanganotumo ndika otu shi oku li tala ongetathapya tali menithile mwene omahangu, omushokolo, oofukwa, nomakunde goondoka nawa. Shika osha hala okutya; mehanganotumo ndika omo tamu tu zile aapangeli, aapangi, aasita, aalongi, aakongindjila, aailongi naanangeshefa yetu yokomeho.

Otu na wo mpaka aawiliki yomahanganotumo; lyaapangi, lyaasita, lyaalongi, lyaakongindjila nolyaailongi aakriste. Elalakano lyomahangano ngaka olyo uuwanawa womuntu nehupitho lyomwenyo gwe. Elaka ndika; Indeni nuuyuni auhe, olya hala natango oku tu fatululila nkene Kalunga e tu pa uuthemba wa gwana nepitiko lyaa na ongamba yasha. Naampaka otapu ya epulo lyu uka komuntu:

Ngele Kalunga okwa gandja uuthemba auhe komuntu, opo a ye nuuyuni auhe a ka ninge ayehe aalongwa yOmuwa, kombinga yomuntu mwene oshi li ngiini?

Eyamukulo lya yela olyo ndyoka, kutya omuntu oku na epuko enene ndyoka lye mu fala sigo omokuninga oongamba dhaampoka pu na okuuuvithilwa evangeli lye-hupitho. Pahapu yOmuwa, otashi ulike nawa, kutya omuuvithi nenge omutumwa kehe ke na ongamba yoku mu imba a uvithe evangeli apehe.

Omutumwa nenge omuuvithi, kutse osha yela, kutya ohapu yaJesus "Indeni nuuyuni auhe," oye mu pa emanguluko lyokuya apehe, a fale po omulilo gwevangelii lyomwenyo. Pahapu ndjika "Indeni", osha yela nawa kutya aatumwa kaya li ye na okutindwa yaa ye miilongo niilongo, opo yaa taandelithe evangeli kwaamboka ye li pumbwa.

Ngaashi Jesus e na omwenyo, osho wo ohapu kehe ye yi na omwenyo, notayi mwenyepaleke onkalo yuuyuni ndjoka ya nika eso. Una tatu tumbula onkalo ya nika eso, otashi etitha omadhiladhilo getu popipi naashoka tashi holoka pomathimbo ngaka tashi imbi euvitho lyevangeli okutaagulukila kiigwana niigwana. Kiigwana yokuuzilo kaku na enota lyevangeli, opuwo sho ye li aakomunisi, omwenyo kololo. Iigwana yokuuninginjino moka wo tse twa kwatelelwa mo ongaakapitalisi nenge aademkoli, sha fatuka nawa, kutya omapangelo nonkalo yetu ayihe oyopakriste.

Osha etitha owala omalimbililo momapangelo getu sho mwa holoka okatongotongo, hoka ka vala omatopagulo gomavi negiilongo. Etopagulo ndika olya  
(Tala kepandja lya landula)

E V A N G E L I    T A L I    K O N D O    O O N G A M B A  
Dha za kep. 3.

dhimbululwa kwaayehe, kutya olya etitha ekatasho (okwaaendelela) lyoshi-longatumo notali imbi omalweendo gaatumwa okuthika miilongo yetu. Nopamukalo nguka ohapu: INDENI NUUYUNI AUHE ....., oya yiwa moshipala.

Omeh<sup>ut i</sup>o nomakutsi guuyuni otaga tala notaga uvu iikumitha niitilithi mbyoka yi na elalakano lyokupiyaganeka oshilongatumo shaa hume komeho.

Mpaka popepi omu wete omakuma gompile yOshinyanyangidho shetweni. Okupya kwasho otandi ku tala ongoshikeelelitho shokukwata evangeli moshipala, opo lyaa taandelithwe nombili miigwana ya Suidwes-Afrika. Ihe nando ongaaka, iigwana yetu oyi ikongele omakende gokutala muule womuntu noku mu yoololela kombinga ye; ongele monkalo yopakriste nenge yopapolotika.

Nando pu kale omatilitho omanene noshiponga shokulimbililwathana, ohapu ya-Jesus onkene tuu tayi gandja uthemba kaavuthi nokomahanganotumo, kutya INDENI NUUYUNI AUHE, mu ka uvithile aantu evangeli. Mpaka natango owi ilikolele uyelelele wa gwana sho kwa tiwa: aantu ayehe nenge aashitwa ayehe. Tashi ti, aauninginino nenge aazילו, aaluthe nenge aatiligane.

Ohole yaKalunga oku tu hola, oya holoka puyelele; shotango sho a gandja Omwana nokwa sile oondjo dhetu. Nopatilyali Kalunga okwa hala tu uvithilwe notu uvithile ooyakwetu ayehe evangeli lyehupitho.

Nakusa dr. Mertin Luther King mulimwe lyomambo ngoka a nyola, omu na etumbulo tali ti: "Ngele katu na ohole, nolukeno katu lu na wo." Tashi ti, kutya omuntu ngele ku mu hole, nena ito si oluhodhi pamwe naye uuna e li muudhigu. Ihe Kalunga ngoka e tu hole okwe tu longekidhile ehupitho, noshi li mehogololo lyetu ngele otwa hala nenge aawe.

== =====

(Lya uvithwa komunashipundi shehanganotumo lyaanangeshefa aakriste muELOK, ~~omusamane~~ Leonard Mukwiilongo, siku lyoshituthi shegwanitho lyomimvo 10 dhehangano sho lya dhikwa 1964).

@@@@@@@@@@@@@@@@

MU ANGOLA, EMANGULUKO LEUDIFO  
OLE UYA NEE.

MuMai 1974 oshihauto shOkumbi itilyana osha fikama poshihakulilo shaNgela mu na ovafita vavali novahakuli vatano-navatatu sha yuka kOnhaululi. Ova pitula opasha pOshikango nokupita pu Sandkraal (pOshikango shaPutu). MOnamakunde otwa talela po eumbo latate Diens na meme Saara. Okwa li ve tu hafela.

Otea yOmuputu oya li omufenu wongaho okufika mOndjiva manga nokuli 12.00 yomutenya inai denga. Otwa talela po eevenda dimwe (eefitola) nokulanda oushikepengeyo yawa vOmuputu.

Okudja mOndjiva otwa yuka kEvale noku-yukilila nondjila yongalama fiyo okOukwangali waHnyangha. Okudja pombonge (ombelewa) ei, elala kalile vali noku-fika pOnamayaka, opo twa hanga eongalo le tu teelela. Omuyevangeliste Petrus Haunini oye omuwiliki weongalo eli no-kwe tu ulikila enhele adishe deongalo.

Twa talela po oshihakulilo shavo osho shihee na vali omuhakuli, nande omi neevenda omo di li. Omuhakuli okwa ka longa koshihakulilo shaKaputu (holomende) osheshi Kaputu otta futu nawa. Otwa talela po yo o-maumbo eongalo ane notwa dimbulukwa oudiinini wavo okuyakula ovayakuli valo. Eongalo eli ola totwapo komufitaongalo Simson Ndatipo.

Fiku olo ovanhu 200 ova pwilikina omaimbilo ovahakuli moiketala nomouxumba, moxungi. Efiku la shikula Ouvalelo Uyapuki owa tukulilwa ova-itaveli 100 mOshoondaxa. Eongalo alishe oli na oilyo 400.

MOnamakunde otwa ninga vali elongelokalunga nOuvalelo Uyapuki meumbo latate Dies, nande omolwomeva a imba ovakriste okukala melongelokalunga eli. Omundirgonoko aushe wa-

(Tala kep. la shikula ko)



OMWE TU ILIKANENA

MOMukwetu waMai, No. 10, omwa li mwa shiivifwa olweendo lokutalelapo omikunda domoushilo waUkwanyama naNdonga. Unene ovakriste vomaongalo, Kongo, Omundaungilo ovo unene twa mona nokupopifa nOndjovo yaKalunga. Onghee eshasho ile Ouvale Uyapuki, ekufilo ile etambululo meongalo kwaavo ve shi ufilwa keleloongalo okwa ningwa.

MElundu omwa ongala ovakriste 40. MOhakafiya 120 nomo twa hanga omufita wokOmundaungilo, tate Johannes Mufeti. Oxungi yomOshidute oya ongalwa kovarhu 61, osho yo powandaxa yongula 45. POnghwiyu otwa hanga ovanhu 101 nova udifilwa eendjovo daKalunga. POMutwewomunhu (Opepela) 34 nomufita wokuKongo, Paulus Heita opo twe mu hanga e tu teelega.

Oxungi yokOshifitu oya li ya ongalwa kovarhu 120 nopowandaxa yongula opwa li 94. PEengodi daNatuwe opa ningwa eshasho nOuvalelo Uyapuki. Opwa li ovanhu 16. Onegongo omukunda mu na unene Ovaanglikani, ndele omu na yo ngaa ovakwaevangeli. Ova li po 25. Oxungi yopOmutwewomunhu opa li Ovayelege vahapu nopa li pa ongala ovanhu 71. Elongelokalunga nOuvalelo Uyapuki mekufilo ola ningwa komufita J.Mufeti nomwa ongala ovanhu 89.

PEdilanghono nopOmushai opa li pa ongala 18, pOmushiyo powandaxa yongula 24 namwene womukunda a yandja ombelela kovaenda omafona avali. Oxungi yopOnhumba oya li i na ovanhu 60, pOidiva yaNghatanga otwa hanga po 33, mEko me nyana lOvakwanghala 103. POMupini peumbo laKatonyena otwa hanga po 32.

POnehanga nande otwe uya po oufiku otwa hanga ve tu teelega nombili mokati komhepo youtalala. Elongelokalunga nosho Ouvalelo Uyapuki, oya ningilwa keelamba detuwa. Opwa li ovanhu 31. Oxungi pOlukula otwe i xutwifa eshi twa ka fika ko meenhundumene. Ongula powandaxa opwa ongala 95. POnehanga nOlukula ope na Ovakwanyama nOvakavango. Ohamu longifwa omalaka aeshe avali. POmbabi nOlupale inatu mona po ovanhu, kakele kovapolifi vokukeelega Onhaululi. MOshishongolo inava uda elaka, ova ongala ashike 18, POMbuudiya 32 nomEhafo meumbo latatekulu Elia 21. Okwa li va hafa eshi va pewa Ombibeli yOshikwanyama.

MOshoondaxa elongelokalunga otwe li ningila muKongo, nonguloshi otwa kala novanashilongatumo. Pwa yofwa yo ombelela yoshikombo sha dja koomwene womukunda. Ova li po 31. Oshambada omukunda popepi nOnhaululi, ova li va xwama eshi va popifwa. Ovapolifi ova li 24. MOuuanga peekamba 78.

Oxungi oya ningwa mOshipaleshomwoongo pwa li 200. Oshoongalele shovekriste aveshe mOmundaungilo 250. Ovanhu va pwilikina ondaka yevangeli mongeda ei 1866 lwaapo.

Nye omwe tu ilikanena, opo ongeda ei i shakonifwe ngaashi ya fanekwa fiyo twa alukila mEngela 11.6.74. Nande twa enda omaufiku nokuxwalakata neengoya, meme Ulla Pentikainen nokanghelo, inava loloka nande. Apa hatu fiku oufiku hatu ningi owandaxa momilaulu ile moshixwixwili tuhe wete ko nawa, ondaka ya meme Pentikainen otai udika natango nawa eshi tai imbile mumwe novakwaneongalo nande okulalula.

(Omupashukilishitaingerki)  
Oukwanyama

OSHIHOLELWA SHOOPALA

Londa moshihauto shomadhiladhilo u ka oko yi li tayi tsu momeho goye. Oyo otalele po Epyatumo, Itapa. Uka kUuni-sikola yetumo. Oya tungwa kulye? Okaanjinino, to pitilile Okahao to yi nogundjuka Aakahao mewiliko lyomusita ndjila yokUutsathima. Poocha dhondjila Mika Ilonga. Omulongi olye? Omumati ndjoka ope na omukunda Itapa, mu na Matias Shaliu. Aalongwa aanene naaanona oyendji. Osikola yoholomende shona oko ye li 31. Omulongi oha futwa kayi po manga, ihe ondanda yiipeleki kaagundjuka Aakahawo. Mbaka otaa lo ngo shili etumo Raili Seppala

ONGERKI NEPANGELO LYOWAMBO  
MOONKUNDATHANA

Oshigongi oshitiyali pokati kaawilikingerki yoongerki adhihe mOwambo naapangeli yevigumbo, osha tegelelwa eti 6.8.1974 omolwetembu lyaagundjuka oyendji mboka ya yi muAngola ompompoya. Oshigongi shotango sholudhi nduka, osha ningwa nale pehulilo lyaJuni mOshakati pahiyogonya lyaKomufala Ndjayi, omusamane Jannie de Wet. Ehokololo lya zile moshigongi shoka olya ti ngeyi:

"Oshigongi shuukumwe waawilikingerki, oshahanganotumo nokabinete kOwambo, otashi holola oluhodhi lwasho omolwaawambo mboka taa thigi po oshilongotshawo, ya ye hoka inaa tseyako. Aagundjuka osho wo aanona mboka ya halala okuza po, naa dhiladhilulule yaa ze po we."

Oshikalimo shomehokololo ndyoka shonopahapu dha gumwe gwomaawilikingerki ya li moshigongi itaa zimine ashihe sha tiwa mo shi kale medhina lyongerki, osha tsikile sha ti, kutya otapu ka konakonwa nawa shono tashifala aantu nongele sha monika "putakatukwe oonkatu oku shi keelela."

Mehokololo omwa tiwa wo natango, kutya ngele ku na sha shono tashi eta "okwaanombili, oshi na okwoopalekwa."

Omwalu gwaafadhukipo ngoka inaagu tseyika natango gwa yela, otagu tengernekwa pokati 150 no 600 okuza Mainuumvo. Petameko lyaJuli opwa kundandwa awambo 130 ya kwatwa muAngolanoinaashi yela natango ngele epangelo lyaAngola otali ke ya shunitha kegumbo nenge otali ya pititha ya ye kombanda.

Shika osho oshikando oshititatu okukundana Aawambo ya kwatwa kepangelo lyaAngola, manga ya li taa kambadhala okutaaguluka oongamba dhaAngola na Zaire (Kongo).

Manga epangelo lyOwambo lya tala kutya okuza po kwaantu moshilongo oku na sha nomaheko gayamwe mokati kaantu, yamwe yomiliyo yaSWAPO Rahimise Kahimise naJohnny Ja Otto (manga inaa za po) oya holola kiifo nokutya etembu lyaantu olya za momatilithe nomomahepeko gaapolosi moshilongo. Omadhiladhilo ga fa ngaka, ogo wo ga hololwa koongerki pethimbo lyomutumba gwoshigongi shawo shuukumwe.

Epangelo lyOwambo olya uvaneka ofuto ombwanawa kukehe ngoka ta gandja uyelele kulyo okukwatitha mboka taa hongolola aantu. Oministeli yuuyuki, omukwaniilwa Jafet Munkundi, a-

popi kutya, ooveta mbali opo dhi li okulandulitha ngoka e na sha netembu lyaantu.

Oveta yotango otayi indike okututa aantu moshilongo yaa na oombapila dheziminino nenge ngoka ta gandja ekwatho kuyo oku shi ninga. Egeelo lyecono ndika R 4,000.

Oveta ontiyali oyi na sha nuuterolega nokutya ngoka ta heke yakwawo, te ya tsu omaminimini, ta gandja ekwatho nenge te ya kumike omukumo yi ilonge shono tashi etele oshilongo oshiponga; na kale ote shi ilongele muRepublika nenge palwe, omuntu a tya ngaaka okwiilongela ondjo yedhipagwo.

Natango konima yooveta ndhika shodha tseyithwa, okwa kundandwa ishewe yalwe ya fadhuka po, nokuli manga aapolosi ya S.A. ya langela oongamba pokati kaAngola naNamibia.

@@@@@

UUKRISTE KAU SHI IIKONENE

Dhima po oondjo dhandje ngashi handi dhimi po dhaamboka ya yono kungame. Meindilo ndika Kalunga ina hala tu konakone omapuko gooyakwetu, ihe tu ga dhimbwe.

Ngele otandi konakona omapuko gooyakwetu, uutondwe otau ya nziya, ihe ngele tii ga dhimbwa, otandi kala ndi hole. Dhimbulukwa aluhe kutya ngele ku hole, nena ou tonde.

Ope na aakriste yamwe te ku yolitha ye te ku ningile nawa, ihe okombanda, meni hasho e li, okwe ku dhipaga. Sha tya ngeyi hasho uukriste. Kala wa dhima po shili iho dhimbulukwa we.

Omukriste wa hala omwenyo gwaaluhe, konakona eindilo ndika nohapu ndhika. Hola omutondi gwoye ngaashi wi ihole ngoye mwene. Shika kashi shi oshipu ihe osho ondjila. Shoka wa hala aantu ye shi ku ningile, osho u ya ningila wo. Ngele nda hala ombili, nandi ta-meke mu ngame. Ngele wa hala ohole, kala wo u hole. (Sipora Abisai)

ONANDJOKWE LUTHERAN HOSPITAL,

Osikola yuupangi (School for Enrolled Nurses)

Ongundu ompe yaupangi otayfi ka tameka esiku 31 lyaJanuali 1975, mOnandjokwe, Kalunga ngele e shi hala. Aakadhona mboka ya nyola ekonakono lya "Junior Certificate" otaa vulu okutaambwa mosikola ndjika.

Tuma ano eindilo lyoye pamwe nombapila yegongalo nonzapo ya hugunina (half year exam.) kOnandjokwe Lutheran Hospital, P/B.2016, Ondangwa 9270, manga esiku eti 30 lya Septemba nuumvo iraali thika.

Omukuluntusikola

A KA TULUMUKWA

Meekulu Hilma Iikela okwa xulifa oweenda waye muMai mOnandjokwe, oye omufiyekadi wa nakufya Joseph Nghikongwa pOnekuta, Oshaango. Ovo va kala eeshela hadi minikile momudingonoko waNgulayanetanga.

Meekulu Hilma ou kwa li a fiwa po komushamane waye konima yeedula 6, okwa fiya po paife onunona vatano.

Eumbo lavo olo la kala onhele yetulumukwo kovaendanandjila, opo li li natango notali twikile oshilonga shalo.

(Mathias K.Hishoono)

YAMBELA KALUNGA ONDJAMBO

Osende kwelengendje  
Mongalo ngondjendje  
Ekalaka eyelele  
Mongalo ndjakele  
Orand'efo lyomulongo  
Gandj'oshitimulongo  
Ku Tshime ndee to pewa  
Elag'ewanawa.

(Rev. Jason Amakutuwa)

Oshilongatumo mUuningininino

Oshilonga shetumo osha longwa ngaa-shi shito nonando inaaku kala omalweendo ogendji - osho omutonateli gwoshitayingengerki shoka, Rev. J.Amakutuwa a ti.

Omutonateli mehokololo lye lyiilonga yokomumvo okwa ti, kutya evangeli olya uvithwa momapya getumo kaatalelipo.. Aayelimi kUutsathima ya fala ko iizalomwa, iikulya, iiyuma niimaliwa R 62,00. Aakulukadhi naapanngi ya gandja R 56,11.

Omagongalo oga gongele muuningininino R 233,02 nomizalo. Osho wo meme Ulla Nenonen na Aune Hirvonen. Matias Nghipandulua, Andreas Shingenge nayo oya tumbulwa mpaka.

O M U K W E T U

Oye oshifo shOngerki onkwaevangeli paLuther yomOwambokavango. Ohashi nyanyangidhwa mOniipa. Omukuluntu gwoshifo omumbisofi dr. Leonard Auala Amushanga gwoshifo Rev. Sebulon Ekandjo Ondando yoshifo komumvo muSuidwes nomuAfrika alihe R 1,00 kombanda yomafuta R 2,00

Oondando nomambesitelo naga tuminwe kOmukwetu, Oniipa P/B.2013, Ondangwa 9270.

Omatseyitho agehe ngoka ge na sha niilonga yomuntu mwene oha futile e-hala ndyoka a longitha moshifo

Owambokavango Church Press  
Private Bag 2013, Ondangwa, SWA

=====  
=====